



Regula Sancti Patris Benedicti

Benedikt <Montecassino, Abt, Heiliger>

Moguntiae, 1604

XLII. Vt post Completorium nemo loquatur.

[urn:nbn:de:hbz:466:1-64533](#)

corporum lesionē. Et si voluerimus Diuinorum celeb̄ationem multum tempestiū expedire (cum maiori ex parte Monasteria nostra habeant maximum populi concursū) eis scandalum gigneretur: & malum exemplum caperent de vtrāque tempestiā refectione. Considerato etiam quod non deviat à iustitia, variare quandoque antiqua, propter rerum & causarum varietatē, & propter nouos Ecclesiarū ritus: Propterea dispensando ordinamus, q ab Abbatis pendeat arbitrio temporum horum accommodatio, tam quoad Officiorum Solennitates, quam quoad refectionem, habita temporum & locorum diligenti consideratione, nec non salua corporum valetudine.

Vt post Completorium nemo loquatur.

CAP. XLII.

OMNI tempore silentio debent studere Monachi, maximē tamen nocturnis horis. Et ideo omni tempore, siue ieunii, siue prandii; si tempus fuerit prandii, mox ut surrexerint à cœna sedeant omnes in vnum, & legat vnuſ collationes, vel Vitas Patrum, aut certè aliquid quod ædificet audientes. Non autem Heptateuchū, aut Regum: quia infirmis intellectibus non erit vtille illa hora hanc Scripturam audire: aliis verò horis legenduntur. Si autem ieunii dies fuerint, dicta Vespera paruo interuallo mox accedant ad Lectiōnem, vt diximus, & lectis quatuor, aut quinque foliis, vel quantum hora permittit.

omni-

omnibus in unum concuerentibus, per hanc moram Lectionis. Si quis forte in assignato sibi commisso, fuerit occupatus, occurrat. Omnes ergo in unum positi compleant: & exentes a completorio nulla sit licentia denudo cuiquam loqui aliquid. Quod si inuentus fuerit quisquam praeuaricari hanc taciturnitatis regulam, grauiori vindictæ subiaceat: Excepto si necessitas Hospitum superuenerit, aut forte Abbas alicui aliquid iusserrit. Quod tamen & ipsum cum summa gruitate & moderatione honestissime fiat.

1. (MOX VT SVRREXERINT A COENA.)

Intellige mox, largo modo: quia plerumq; differunt per horam, vel amplius: ne huiusmodi Lectio ob recentem cenan sit tediosa. Pro qua Lectione pulsatur primum Completorij signum, & fratres omnes in Capitulo conueniunt ad huiusmodi Lectionem.

2. (QVANTVM HORA PERMITTIT.)

Aduertimus, prout infra ordinabimus spatia diei, quorum quodlibet opus suum habet, quod hora permittit tantum Lectionem unius horæ quartæ parte, & non ultra durare posse.

De ijs qui ad opus Dei, vel mensam tarde ocurrunt. CAP. LXIII.

AD horam Diuini Officii mox ut auditū fuerit signum, relictis omnibus qualibet fuerint in manibus summa cum festinatione curratur: cū grauitate tamē, ut nō scurritas inueniat somnitē. Ergo nihil operi Dei præponatur. Quod si quis ad Nocturnas Vigilias post Gloriam Psalmi 94. (quem

propter